



Tužilaštvo - Tužiteljstvo Bosne i Hercegovine
Тужилаштво Босне и Херцеговине
Posebni odjel za ratne zločine Tužilaštva-Tužiteljstva Bosne i Hercegovine

Broj: T20 0 KTRZ 0024090 23
Sarajevo, 20. august 2024.godine

SUDIJI ZA PRETHODNO SASLUŠANJE
SUDA BOSNE I HERCEGOVINE
SARAJEVO

Na osnovu člana 35. stav 2. tačka i) i člana 226. stav 1. Zakona o krivičnom postupku Bosne i Hercegovine u krivičnom predmetu protiv osumnjičenog Duraković Ramiza, podižem

OPTUŽNICU

Protiv:

Duraković Ramiza, [REDACTED] rođenog [REDACTED] 1961.
godine u Prijepolju, Republika Srbija,

[REDACTED]
[REDACTED] državljanina SR Njemačke i Republike Srbije.

Što je;

Za vrijeme rata u Bosni i Hercegovini i u vrijeme oružanog sukoba između Armije Bosne i Hercegovine, s jedne strane i Vojske Srpske Republike Bosne i Hercegovine, sa druge strane, kao pripadnik 43. Drinske brigade Armije Republike Bosne i Hercegovine, postupao suprotno pravilima međunarodnog humanitarnog prava i to odredbi člana 3. stav 1. tačke a) IV Ženevske konvencije o zaštiti civilnog stanovništva od 12.8.1949.godine i odredbama člana 51., 52. i 87. stav 3. Dopunskog Protokola uz

Ženevske konvencije od 12.8.1949.godine o zaštiti žrtava međunarodnih oružanih sukoba (Protokol I) tako što je:

Kao nadređena osoba u svojstvu komadanta 43. Drinske brigade Armije Bosne i Hercegovine, sa stvarnom i efektivnom kontrolom nad pripadnicima II i III bataljona 43. Drinske brigade, koji su dana 14.02.1993.godine u ranim jutarnjim satima u okviru akcije pripadnika IBOG-a u čijem je sastavu bila i 43. Drinska brigada na Čajniče, pod neposrednom komandom osumnjičenog Duraković Ramiza izvršili napad na položaje Vojske Republike Srpske na lokalitetu Pisanica, opština Čajniče i na selo Šapiće, opština Čajniče u kojem nije bilo vojnih ciljeva, kojom prilikom su pripadnici III bataljona 43. Drinske brigade u selu Šapići ubili civila [REDACTED]

[REDACTED], ranili civile [REDACTED] i zapalili kuće [REDACTED] i [REDACTED], pa iako je imao informacije o zločinu s obzirom da je za vrijeme akcije faktički bio u blizini mjesta gdje su se desili zločini i imao stalnu vezu preko motorole sa komadantom III bataljona, te izdao usmenu naredbu za povlačenje pripadnika II i III bataljona u pravcu Goražda, kao komadant brigade koji ima moć da preduzme mjere oko ispitivanja okolnosti pod kojima je došlo do zločina u selu Šapići, opština Čajniče, propustio da preduzme nužne i razumne mjere kako bi počinioci zločina bili kažnjeni,

Dakle, kao nadređena osoba propustio činjenje koje je bio dužan da izvrši

čime je, osumnjičeni Duraković Ramiz učinio krivično djelo Ratni zločin protiv civilnog stanovništva, nečinjenjem iz člana 142. stav 1. KZ SFRJ u vezi sa članom 30. stav 2. KZ SFRJ, koji je preuzet na osnovu zakona o primjeni Krivičnog zakona RBiH i Krivičnog zakona SFRJ.

TUŽILAŠTVO BiH

TUŽILAC - TUŽITELJ